



Page: 5

Reach: 50000

Country: BOSNIA AND HERZEGOVINA

Size: 121 cm2

1 / 1

Po nalogu Tužilaštva BiH

## U Rogatici uhapšeno 5 osoba zbog ratnog zločina



Osumnjičeni su počinili progone i  
ubistva najmanje 15 osoba

Po nalogu tužilaca iz Posebnog odjela za ratne zločine Tužilaštva BiH, pripadnici Državne agencije za istrage i zaštitu (SIPA) uhapsili su jučer pet osoba osumnjičenih u dva predmeta za ratne zločine.

U okviru jednog predmeta uhapšeni su Božidar Perišić zvani Boban (53) i Vinko Zoranović Joja (50), obojica iz Rogatice. U okviru drugog predmeta uhapšeni su Dragan Lubarda Lube (59), Zoran Ilić (47) i Milisav Ikonić (54), svi iz Rogatice.

Oni se sumnjiče da su

kao pripadnici Rogatičke brigade VRS tokom juna i jula 1992. počinili ratne zločine nad žrtvama bošnjačke nacionalnosti iz naselja Gračanica u Rogatici.

- Prema prikupljenim dokazima, osumnjičeni su počinili progone i ubistva najmanje 15 osoba (osumnjičeni Perišić), silovanja i seksualna zlostavljanja žena bošnjačke nacionalnosti, protivpravna zatočenja, mučenja, zlostavljanja i druge oblike nanošenja teške patnje žrtvama - saopćeno je iz Tužilaštva BiH.